

政和御製冠禮



欽定四庫全書

政和御製冠禮目錄

卷一

冠議

叙原

議年

議時

議衣冠

議加數

卷二

議就廟

議賓主

議醴饌

議醮

議嫡庶

議見拜

議樂

議上禮

議服制

卷三

冠儀

天子

周 後漢

漢 魏

卷四

天子

晉 北齊

後魏 唐

卷五

太子

周 漢 魏 晉 宋 隋 唐 本朝 梁

卷六

太子

唐

卷七

太子

唐 本朝

庶子

周 魏 唐

卷八

親王
漢 魏 晉 宋 齊 唐 本朝

卷九

品官
漢 晉 唐

卷十

品官
唐 本朝

女笄
周 唐

欽定四庫全書

政和御製冠禮卷一

冠議

叙原

禮記云凡人之所以為人者禮義也禮義之始在於正容體齊顏色順辭令容體正顏色齊辭令順而後禮義備以正君臣親父子和長幼君臣正父子親長幼和而後禮義立故冠而後服備服備而後容體正顏色齊辭

令順故曰冠者禮之始也是故古者聖王重冠古冠禮
筮日筮賓所以敬冠事敬冠事所以重禮所以為國本
也故冠於阼以著代也醮於客位三加彌尊加有成也
已冠而字之成人之道也見於母母拜之見於兄弟兄
弟拜之成人而與為禮也玄冠玄端奠摯於君遂以摯
見於卿大夫鄉先生以成人見也成人之者將責成人
禮焉也責成人禮焉者將責為人子為人弟為人臣為
人少者之禮行焉將責四者之行於人其禮可不重與故

孝弟忠順之行立而後可以為人可以為人而後可以
治人也故聖王重禮故曰冠者禮之始也嘉事之重者
也是故古者重冠故行之於廟行之於廟者所以尊重
事尊重事而不敢擅重事不敢擅重事所以自卑而尊
先祖也家語云邾隱公既即位將冠使大夫因孟懿子
問禮於孔子孔子曰其禮如世子之冠冠於阼者以著
代也醮於客位加其有成三加彌尊導喻其志冠而字
之敬其名也雖天子之元子猶士也其禮無變天下無

生而貴者故也行冠事必於祖廟以裸享之禮將之以金石之樂節之所以自卑而尊先祖示不敢擅也懿子曰天子未冠即位長亦冠乎孔子曰古者王世子雖幼其即位則尊為人君人君治成人之事者何冠之有懿子曰然則諸侯之冠異天子與孔子曰君薨而世子主喪是亦冠也已人君無所殊也懿子曰今邾君之冠非禮也孔子曰諸侯之有冠禮也夏之末造也有自來矣今無譏焉懿子曰諸侯之冠其所以為賓主何也孔子

曰公冠則以卿為賓無介公自為主迎賓揖升自阼主於席北其醴也則如士饗之以三獻之禮既醴降自阼諸侯非公而自為主者其所以異皆降自西階玄端與皮弁異朝服素鞞公冠四加玄冕祭其酬幣於賓則束帛乘馬王太子庶子之冠擬焉皆天子自為主其禮與士無變饗食賓也皆同懿子曰始冠必加緇布之冠何也孔子曰示不忘古夫古冠布齋則緇之其緹也吾未之聞今則冠而敝之可也

石渠禮儀云冠者人道之始也嘉事之善也是以聖王重之必行於廟主人不敢自專請賓共成也亦謂人之父恥自成其子故請賓也五經要義云冠嘉禮也冠者首服既加而後人道備故君子重之以為禮之始矣國語云趙文子冠見韓獻子獻子曰戒之此謂成人成人在始與善始與善善進善不善蔑由至矣始與不善不善進不善善亦蔑由至矣如草木之產也各以其物人之有冠猶宮室之有墻屋也冀除而已又何加焉通

典云周禮雖有服冕之數而無天子冠文又儀禮有公
侯冠禮者王肅鄭氏皆以為夏末哀亂篡弑所由生焉
故作公侯冠禮則明天子無冠禮之審又無大夫冠禮
古者五十而後爵何大夫冠禮之有周人五十而有賢
才則試以大夫之事猶行士禮故筮賓於阼以著代醮
於客位三加彌尊皆士禮耳

議年

五禮精義云春秋傳曰人君十二而冠書傳曰成王十

四而冠弁啟金滕許慎曰歲星為紀年十二歲而周於天天道大備人君年十二可以冠矣

五禮名議云天子諸侯十二而冠法歲星十二年一周天所謂一終也大戴禮云文王十二而冠十三而生伯邑考又左傳襄九年晉侯曰國君十五而生子冠而生子禮也其天子之子加冠亦早所以得祭殤有五諸侯之子則二十而冠以檀弓云公之適長殤故知之大夫冠年無文案喪服大夫為兄弟之長殤既為長殤則二

十而冠曲禮曰人生二十曰弱冠是也石渠禮儀云男子陽也陽成於陰偶數起於二終於二十陰數之偶也故二十而冠謂小成也

開元禮義鑑云禮曰冠而不為殤男子有德行納為大夫則不待二十而冠其合禮矣

議時

夏小正記云二月冠子之時也

晉志云禮醮辭曰令月吉日以歲之正以月之令漢代

以來天子諸侯以正月甲子若丙為吉曰可加元服儀
從冠禮也

五禮精義云冠皆取正元之吉

司馬彪漢儀志曰正月甲子若丙子為吉可加元服

晉王彪之曰冠自卜日不必正元禮云夏冠用葛屨冬
冠用皮屨明不定日月也漢惠帝以三月順帝以正月
丙子但於冠月擇甲子丙子而已

晉志云按魯襄公冠以冬漢惠帝冠以三月明無定月

而後漢以來帝加元服咸以正月及晉咸寧二年秋閏
九月遣使冠汝南王東此則非必歲首也

唐會要云貞觀五年正月有司上言皇太子將行冠禮
宜用二月為吉請遣賓以備儀注上曰今東作方興恐
妨農事令改用十月太子少保蕭瑀奏稱准陰陽家用
二月為勝上曰陰陽拘忌朕所不行若動靜必依陰陽
不考禮義欲求福祐其可得乎若所行皆遵正道自然
當與吉會且吉凶在人豈假陰陽拘忌農時甚要不可

暫失

議衣冠

家語云懿子曰三王之冠其異何也孔子曰周弁商皐
夏收一也三王共皮弁素積委貌周道也章甫商道也
毋追夏后氏之道也

五禮精義云禮古者冠布齋則緇之明冠制不殊但緇
白有異今喪冠則古緇布無梁幘也鄭注冠禮云緇布
冠今小吏冠其遺象也漢小吏之冠即委貌矣晉志緇

布即委貌是也又云進賢冠緇布遺象然進賢加梁幘與古不同若從今制當類進賢而無幘梁者也又云古者天子之士服皆皮弁素積而夕則玄冠玄端玄冠委貌也緇布象之故服則玄端即素裳也

開元禮義鑑云將冠者何服禮云童子之飾也緇布衣錦緣錦紳并組錦束髮皆朱錦也士冠禮曰將冠者綵衣紒在房中南面鄭氏云綵衣是未冠者之服禮說童子幘無屋故云空頂也士冠禮云將冠者綵衣紒鄭云綵

未冠者所服又云冠禮緇纒廣終幅長六尺鄭云纒今之幘梁也終充也纒一幅長六尺足以韜髮而結之蓋古者以黑緇為纒先緇髮而後加冠幘卷梁故鄭引漢事言之魏晉取為幅帽自周武帝之製巾裹首即古纒之象今則用皂羅巾焉又云皇帝拜太后著通天冠者士冠禮母出閨門故自三加之服便見於母今太后在別宮既冠乃朝朝則不服祭服矣故假通天冠也

議加數

通典云大戴禮有公冠篇云公冠四加天子亦四加又
家語冠頌云王太子之冠擬諸侯之冠天子之元子亦
擬諸侯四加諸侯之子同於士據此自天子至於諸侯
非無冠禮但因秦焚書遂同蕩滅其周制士冠禮頗備
王者時採行焉

五禮名義云士冠禮三加緇布冠欲其尚質重古次皮
弁欲其行三德三行次加爵弁欲其承事神明諸侯四
加玄冕天子五加衮冕故大戴禮以公冠四加則知天

子五加也

儀禮疏云既三加爲大夫早冠亦依士禮三加若天子諸侯禮則多矣故大戴禮公冠篇云四加者緇布皮弁爵弁後加玄冕天子亦四加後當加衮冕矣

開元禮義鑑云周雖有冕服之數而無天子冠儀公侯之有冠禮夏之末造也漢順帝冠用曹褒新禮四加初加緇布進賢次爵弁武弁次通天皆於高祖廟以禮謁見世祖廟又云魏氏天子冠唯一加議者以爲三加

彌尊喻其志也天子至尊禮無喻理故一加而已開元
因之

晉志云魏天子一加其說曰士禮三加加有成也至於
天子諸侯無加數之文者將以踐阼臨下尊極德備豈
與士同也魏氏太子再加皇子王公世子乃三加
開元禮義鑑云家語曰皇太子之冠擬諸侯四加三同
士禮後加衮冕也漢儀王公初加進賢魏皇子及王公
子並三加先皮弁次長冠次進賢冠晉惠帝為太子冠

一加幘冕北齊皇太子初進賢三梁冠再遠遊冠隋皇太子初加緇布冠再加遠遊冠開元之制三加初加緇布冠再加遠遊冠三加衮冕

孫毓五禮叙曰魏氏天子一加三加嫌同諸侯毓按玉藻記曰玄冠朱組纓天子之冠也緇布冠纁緌諸侯之冠也其說謂皆始冠則是有次加之辭此二冠皆卑服質古勢不一加必重加朝祭之服以崇彌尊聖人制禮所以一時歷加衆服者今始成人卜擇今日而徧加之

所以重始也若冠日有不加者後必不擇吉而服非重始也

禮記五禮記曰禮氏凡士一加之士無用諸侯職按玉
藻記曰古冠求組纒天子之冠也纒者冕者皆稱纒也
冠也其說謂皆始冠則是有次加之辭此二冠皆單纒
纒也其說又一加必重加朝祭之服以管籥等聖人制禮
而政和御製冠禮卷一

欽定四庫全書

政和御製冠禮卷二

冠議

議就廟

開元禮義鑑云將冠合就何廟記云冠者禮之始也故冠之於廟者所以自卑而尊先祖也左傳魯侯冠於成公之廟假鐘磬之樂是也五禮精義云士冠於廟諸侯於太祖之廟天子當冠於始祖廟也又云古者重冠行

之於廟漢和帝時黃香頌曰以正月甲子乘金根駕
玄虬至廟成禮乃迴軫反宮正寢朝服饗宴獻壽據此
漢禮猶行於廟孫毓引荀氏禮云魏天子冠一加於正
殿則自魏以來不就廟也他日親謁而已又漢元帝車
駕出拜太廟明自漢已不於廟也晉志云王彪之曰禮
傳冠皆在廟按成帝既加元服車駕出拜太廟以告成
也武惠冠太子太子皆即廟見蓋亦猶擬在廟之儀

五禮精義云北齊後魏已來始於正殿行事別卜日謁

廟

又云皇帝加元服告天地太子冠獨告太廟者天子為天下之主將有大事必先告天地皇太子雖儲貳之尊然未接天地故獨告宗廟示親也

議賓主

家語云王太子庶子之冠皆天子自為主其禮與士無變饗食賓也皆同
五禮精義云賓命一辭者凡嘉事宜與賢者成之辭者

以已為不賢也禮有一辭而許者各隨其事以為進退
鄉飲戒賓一辭耳鄭云賓不固辭素有志也是賓素習
道藝本望賓舉故不固辭此命為賓亦素有志樂為主
勸成冠禮故不再也

開元禮義鑑云凡取人皆先筮後戒此不筮而戒者戒
警也告也賓是主人之僚友古者有嘉事則樂與賢者
共成之今將冠子故就告僚友使來也筮賓者筮其可
使冠子也賢者嘗吉今此賓是賢故先戒後筮所以敬

冠事重禮之本也

五禮精義云按士冠禮既主人請禮賓賓禮辭許就次
鄭云禮賓者謝其自勤勞也又云乃醴賓用一獻之禮
主人酬賓束帛儷皮鄭云一獻獻賓而已獻凡酬酢賓
主各兩爵而禮成士一獻大夫三獻也飲賓而從之以
財貨曰酬所以申暢厚意士大夫用儷皮諸侯則乘馬
庭實也又云太子加元服必宗正卿為主人者嘉事重
禮與賢者勸成之既使為賓必即主以接其禮宗正治

宗事太子禮尊諸王為主即嫌故使有司為主也卿出門東西面再拜迎賓賓不答者宗正攝主行事賓自奉詔故不當其禮也又云賓北面拜受宗正卿復東階合拜送否禮云賓主為禮北面再拜正也今禮宗正卿授籩訖退復位賓贊降不言拜送蓋非正不敢終其禮又云太子加元服司徒為賓者也太傅上公皇帝加元服則贊其事司徒主五穀太子加元服故命為賓也又云太子受醴筵西拜受觶賓復位東面拜者鄭注士冠禮

筵西拜南面拜也東面者明成人為禮異於答主人也
開元禮義鑑云昏禮聘禮醴賓皆云拜送冠禮云答何
也按昏禮醴賓是主人之物故云拜送冠醴是賓之物
故云答拜又云主人醴賓何以一獻儀禮賓立字訖出
於廟門外主人請禮之一獻而已謂主賓兩爵而禮成
即燕飲也必醴者謝其勤也

五禮精義云賓降一階受緇布冠者士冠禮云賓降一
等執冠者升一等東面授賓降二等受次弁降三等受

爵弁漸尊之故也又云衮服陳於房冕執於西階下者士冠禮陳服於房中西墉下東領北上爵弁等各一匱執待於西坳南南面東上鄭云執之者有司也坳在堂西南角首服尊就賓階取親加至衣服已輕主人自服于房今人君冠禮逸約士冠禮之節行之故太常博士執冕於西階下也

又云太尉設纜者古者重冠必筮同等一人為賓一人為贊冠嘉事與賢者共成之也天子至尊雖無筮賓三

師三公論道經邦德崇位極有賓交之道故太師冠次
太尉贊冠者所擲纒之事也

議醴饌

五禮精義云士冠禮曰若殺則特豚此士用特豚天子
當用太牢故云三俎又命婦獻鴈則禮之以少牢况太
子加冠禮崇恐亦當太牢用之

又云祭肺者鄭曰肺氣之主也周人所尚按禮云有虞
氏尚首夏后氏祭心商人祭肝周人祭肺皆主氣盛今

行周禮故祭肺也周禮九祭有絕祭繚祭鄭謂祭肺左手執本右手從本循至末乃絕末以祭此謂之繚祭若祭肺不循直絕以祭謂之絕祭今祭肺蓋繚乃絕也

又云凡嘉事重禮必以酒食成之重者用醴輕者用酒以醴前古尚質後代涉用清也

又云不用爵者醴與醴混則用角觶角杓所以利其滑也故不用爵也

又云側樽甌醴者鄭注冠禮云側特也無偶曰側置酒

曰樽側者無玄酒也上古以水為玄酒次以醴酪後代始涉之以為玄酒加玄酒不忘古也禮自近古不用玄酒也

議醮

五禮精義云適子三加畢乃醴庶子每醮何士冠禮云三加畢乃筵於戶西而授醴下云若不醴則醮用酒冠義云冠於阼以著代也醮於客位加有成也又云始加醮用脯鄭云言始加者加一醮也加冠於東序醮之於

戶西此言適子亦有用醮者也醮質而酒文文則儀繁故加用醮也適子冠于阼阼主人接賓之處以明代客禮以待之鄭注酌無酬酢曰醮若不醮謂國有舊俗可行聖人用焉不改者也

開元禮義鑑云若不醮則醮鄭氏注禮云盡爵曰醮用酒近代禮也周人冠醮用醴重古不忘其本也又云始加醮用脯醢再加菹醢栗脯攝酒其他如初三醮加俎齊之皆如初祭肺卒醮取籩脯以降如初也

攝整也
整酒謂

之撓

晉志云古者婚冠皆有醮鄭氏醮文三首具存

議嫡庶

五禮精義云按士冠禮云若庶子即冠於房外南面遂醮焉鄭云房外為尊東也不於阼非著代也不醮於客位成而不尊也

開元禮義鑑云儀禮庶子冠不祝唯醮而已今開元之制庶子冠則北面而祝冠於筵西拜受爵賓於階上東

而答拜

又云庶子不醴用酒者古者重別冢嗣以防篡亂卑衆庶不與適同醴重而酒輕故不醴而用酒加玄酒不忘古也饌牢器與適子同儀

又云皇帝及太子讀祝加冠訖易服若王庶子加冠易服後讀祝進字祝同太子不云奉勅唯云某甫又云羣臣庶子冠筮日筮賓戒賓贊冠日陳設如適子唯席於房外戶西樽東南甌玄酒餘如士冠禮

議見拜

開元禮義鑑云冠者見兄弟姑姊何不見妹禮嫡子冠於阼主人當序南面姑姊在寢門內冠訖於外見兄以及弟入內見姑姊盡尊而不及卑故不言見妹也又云冠子見母及兄姊何不言見父母及兄姊不在冠位故冠訖而見之歸成之義也父與賓親臨加冠則冠時已見故不言也又云婦人與丈夫行禮皆受丈夫拜何謂丈夫拜母於子亦丈夫拜乎丈夫拜謂婦人先一拜男

子乃一答之婦人又拜男子又答相丈夫而拜是丈夫拜也今子既冠執脯見母立於闈門之外北面母先拜受脯子乃拜送雖於子亦相丈夫而拜欽其成人之德重先祖之正體也又云子於父母尊無以加既冠見答拜其義安在禮云冠者禮之始也成人之道也故筮日筮賓行之於廟就學處也是以冠畢執脯北面見母於闈門之外婦之義也母拜受脯欽其有成人之德是謂重承先祖之正欲見禮子之體將為宗廟之主故拜成

人非失尊序也又云母拜受脯與男子何拜同禮凡婦人肅拜猶男子之稽首也男子以稽首為正婦人以肅拜為正謂恭揖也

五禮精義云按士冠禮云母拜受子拜送獻脯於母示得禮也母拜者鄭云婦人於丈夫雖子猶挾拜也婦見舅奠筭棗栗而舅亦拜則丈夫與婦人為禮雖尊卑不敵皆有挾拜之義今禮以挾拜太重皆刊去之

議樂

五禮精義云戴禮據公冠禮無樂今用樂者五經異義云春秋傳說君冠必以金石之樂節之許慎云人君飯有舉樂而云冠無樂非禮義也故今皆以正樂而為節也

議上禮

五禮精義云按古者君臣之有嘉事必設賀慶之禮所以通上下之情庾蔚之云凡事吉則遣送酒肉以賀之則上禮自魏行之晉王彪之云上禮唯酒犢而已犢十

二頭酒十二斛以應天地之大數也今禮於朝堂設禮
訖牛酒付所司

唐會要云開元六年侍中宋璟上表曰臣伏以太常狀
以皇太子冠唯東宮典記有上禮之儀謹按上禮非古
從南齊後魏始有此事而垂拱神龍更扇其道羣臣歛
錢獻食君上厚賜答之姑息施恩方便求利每緣一事
有此再煩齊魏乃吳虜之風故不足效後事輒有前車
之戒應當取適皇太子冠乃盛禮自然合有錫賚上臺東

宮兩處宴會非不優厚其禮宜停

議服制

通典云周制大功之末可以冠子嫁子父小功之末可以冠子嫁子可以娶婦已雖小功既卒哭可以冠子可以取妻下殤之小功則不可晉傅純難曰按雜記本文已在小功則得冠在大功不得冠也鄭氏云已大功卒哭以冠與本文不同何耶又按記不見已冠不知已冠當在何條賀循答曰禮云大功小功之末可以冠娶道

父為子嫌但施於子不施於己故下言己雖小功著己與子亦同也俱同則大功之末己可以冠以禮推之正自應爾非為與本文不符高崧重問范汪曰下殤小功則不可而云小功之末可以冠婚何范汪答曰下殤小功此是周服之下殤不可以服輕而忌踈也或曰因喪而冠亦禮之明文何以復於大功小功喪中每言冠乎答曰在喪冠而已不行冠禮也於大功小功之末故可行冠禮因喪而冠與備行冠禮殊也

禮記云曾子問曰將冠子冠者至揖遜而入聞齊練大功之喪如之何孔子曰內喪則廢外喪則冠而不醴徹饌而掃即位而哭如冠者未至則廢若將冠子而未及期日而有齊練大功小功之喪則因喪服而冠除喪不改冠乎孔子曰天子賜諸侯大夫冕弁服於太廟歸設奠服賜服於斯乎有冠醮無冠醴

五禮精義云因喪而冠有賓為禮否禮云如將冠子未及期日而有齊衰大功小功之喪則因喪服而冠鄭云

廢吉禮而因喪冠俱成人之服也當哭泣哀次隨成服之節則他禮可去之有除喪遂無冠矣又云若聞外喪冠而不醴字之否言冠而不醴徹饌而掃即位而哭明三加之後餘禮盡廢則不字也

禮記云父沒而冠既掃地而祭於禩已祭而見伯父叔父故曾子問祭不旅酬之事子云聞之祥者主人練祭而不旅奠酬於賓賓不舉禮也今有因齊練大功喪而冠者當准此禮也

政和御製冠禮卷二

冠者禮之始也禮者教之本也禮之於人猶水於木也木無水則枯人無禮則死

冠者禮之始也禮者教之本也禮之於人猶水於木也木無水則枯人無禮則死

冠者禮之始也禮者教之本也禮之於人猶水於木也木無水則枯人無禮則死

冠者禮之始也禮者教之本也禮之於人猶水於木也木無水則枯人無禮則死

冠者禮之始也禮者教之本也禮之於人猶水於木也木無水則枯人無禮則死

冠者禮之始也禮者教之本也禮之於人猶水於木也木無水則枯人無禮則死

冠者禮之始也禮者教之本也禮之於人猶水於木也木無水則枯人無禮則死

政和御製冠禮卷二

冠者禮之始也禮者教之本也禮之於人猶水於木也木無水則枯人無禮則死

欽定四庫全書

政和御製冠禮卷三

冠儀

周制

儀禮士冠禮筮於廟門主人玄冠朝服緇帶素鞶即位於門東西面有司如主人服即位於西方東面北上筮與席所卦者具饌於西塾布席於門中闌西闕外西面筮人執筮抽上韝兼執之進受命於主人宰自右少退

贊命筮人許諾右還即席坐西面卦者在左卒筮書卦
執以示主人主人受眡反之筮人還東面旅占卒進告
吉若不吉則筮遠日如初儀徹筮席宗人告事畢主人
戒賓賓禮辭許主人再拜賓答拜主人退賓拜送前期
三日筮賓如求日之儀乃宿賓賓如主人服出門左西
面再拜主人東面答拜乃宿賓賓許主人再拜賓答拜
主人退賓拜送宿贊冠者一人亦如之厥明夕為期於
廟門之外主人立於門東兄弟在其南少退西面北上

有司皆如宿服立於西方東面北上擯者請期宰告曰
質明行事告兄弟及有司告事畢擯者告期於賓之家
夙興設洗直於東榮南北以堂深水在洗東陳服於房
中西墉下東領北上爵弁服纁裳純衣緇帶韎韐皮弁
服素積緇帶素鞞玄端玄裳黃裳雜裳可也緇帶爵鞞
緇布冠缺項青組纓屬於缺緇纚廣終幅長六尺皮弁
笄爵弁笄緇組紘纁邊同篋櫛實於篋蒲筵二在南側
尊一甒醴在服北有篋實勺解角柶脯醢南上爵弁皮

弁緇布冠各一匣執以待於西坵南南面東上賓升則東面主人立於西端爵鞞立於阼階下直東序西面兄弟畢衿立於洗東西面北上擯者立於西端負東塾將冠者采衣紒在房中南面賓如主人服贊者立於西端從之立於外門之外擯者告主人迎出門左西面再拜賓答拜主人揖贊者與賓揖先入每曲揖至於廟門揖入三揖至於階三讓主人升立於序端西面賓西序東面贊者盥於洗西升立於房中西面南上主人之贊者筵於東序少

北西面將冠者出房南面贊者奠纚笄櫛於筵南端賓
揖將冠者將冠者即筵坐贊者坐櫛設纚賓降主人降
賓辭主人對賓盥卒一揖一讓升主人升復初位賓筵
前坐正纚興降西階一等執冠者升一等東面授賓賓
右手執項左手執前進容乃祝坐如初乃冠興復位贊
者卒冠者興賓揖之適房服玄端爵鞞出房南面賓揖
之即筵坐櫛設笄賓盥正纚如初降二等受皮弁右執
項左執前進祝加之如初復位贊者卒紘興賓揖之適

房服素積素鞞容出房南面賓降三等受爵弁加之服
纁裳鞞鞞其他如加皮弁之儀徹皮弁冠櫛筵入於房
筵於戶西南面贊者洗於房中側酌醴加柶覆之面葉
賓揖冠者就筵筵西南面賓受醴於戶東加柶面枋筵
前北面冠者筵西拜受解賓東面答拜薦脯醢冠者即
筵坐左執觶右祭脯醢以柶祭醴三興筵末坐啐醴捷
柶興降筵坐奠觶拜執觶興賓答拜冠者奠觶於薦東
降筵北面坐取脯降自西階適東壁北面見於母母拜

受子拜送母又拜賓降直西序東面主人降復初位冠者立於西階東南面賓字之冠者對賓出主人送於廟門外請醴賓賓禮辭許賓就次冠者見於兄弟兄弟再拜冠者答拜見贊者西面拜亦如之入見姑姊如見母乃易服服玄冠玄端爵韠奠摯見於君遂以摯見於鄉大夫鄉先生乃醴賓以一獻之禮主人酬賓束帛纚皮贊者皆與贊冠者為介賓出主人送於外門外再拜歸賓俎若不醴則醮用酒尊於房戶之間兩甌有禁元酒

在西加勺南枋洗有篚在西南順始加醮用脯醢賓降
取爵於篚辭降如初卒洗升酌冠者拜受賓答拜如初
冠者升筵坐左執爵右祭脯醢祭酒興筵末坐啐酒降
筵拜賓答拜冠者奠爵於薦東立於筵西徹薦爵筵尊
不徹加皮弁如初儀再醮攝酒其他皆如初加爵弁如
初儀三醮有乾肉折俎齊之其他如初北面取脯見於
母若殺則特豚載合升離肺實於鼎設扃寫始醮如初
再醮兩豆葵菹羸醢兩籩栗脯三醮攝酒如再醮加俎

濟之皆如初濟肺卒醮取籩脯以降如初若孤子則父兄戒宿冠之日主人紛而迎賓拜揖讓立於序端皆如冠主禮於阼凡拜北面於阼階上賓亦北面於西階上答拜若殺則舉鼎陳於門外直東塾北面若庶子則冠於房外南面遂醮焉冠者母不在則使人受脯於西階下戒賓曰某有子某將加布於其首願吾子之教之也賓對曰某不敏恐不能共事以病吾子敢辭主人曰某猶願吾子之終教之也賓對曰吾子重有命某敢不從

宿曰某將加布於某之首吾子將益之敢宿賓對曰某
敢不夙興始加祝曰令月吉日始加元服棄爾幼志順
爾成德壽考維祺介爾景福再加曰吉月令辰乃申爾
服敬爾威儀淑慎爾德眉壽萬年永受胡福三加曰以
歲之正以月之令咸加爾服兄弟具在以成厥德黃耆
無疆受天之慶醴辭曰甘醴惟厚嘉薦令芳拜受祭之
以定爾祥承天之休壽考不忘醢辭曰旨酒既清嘉薦
亶時始加元服兄弟具來孝友時格永乃保之再醢曰

旨酒既滑嘉薦伊脯乃申爾服禮儀有序祭此嘉爵承
天之祜三醮曰旨酒令芳邇豆有楚咸加爾服有升折
俎承天之慶受福無疆字辭曰禮儀既備令月吉日昭
告爾字爰字孔嘉髦士攸宜宜之于假永受保之曰伯
某甫仲叔季唯其所當屨夏用葛玄端黑屨青絢纁純
純博寸素積白屨以魁袪之緇絢纁純純博寸爵弁纁
屨黑絢纁純博寸冬皮屨可也不屨總屨
記冠義始冠緇布之冠也大古冠布齊則緇之其綏也

孔子曰吾未之聞也冠而敝之可也適子冠於阼以著
代也醮於客位加有成也三加彌尊喻其志也冠而字
之敬其名也委貌周道也章甫殷道也毋追夏后氏之
道也周弁殷冔夏收三王共皮弁素積無大夫冠禮而
有其昏禮古者五十而後爵何大夫冠禮之有公侯之
有冠禮也夏之未造也天子之元子猶士也天下無生
而貴者也繼世以立諸侯象賢也以官爵人德之殺也
死而謚今也古者生無爵死無謚

天子

周

前漢

後漢

魏

周

成王年十有三而嗣立周公居冢宰攝政以治天下明年夏六月冠成王而朝於祖以見諸侯周公命祝雍作頌曰辭達而勿多也祝雍辭曰使王近於民遠於年嗇于時惠于財親賢而任能其頌曰令月吉日王始初加元服去王幼志思洪袞職欽若昊天六合是式率爾祖考永永無極此周公之制也

前漢

漢改皇帝冠為加元服用正月甲子若丙子為吉惠帝
 四年三月甲子冠赦天下孝昭元鳳四年正月丁未帝
 加元服辭曰陛下摘著先帝之光輝以承皇天之嘉祐
 欽奉仲秋之吉辰普尊大道之邦域秉率萬福之休靈
 始加昭明之元服推遠冲孺之幼志蘊積文武之就德
 肅勤高祖之清廟六合之內靡不蒙福承天無極

後漢

後漢制正月甲子若丙子為吉日可加元服儀從冠禮
乘輿初加緇布進賢次爵弁次武弁次通天冠訖皆於
高廟如禮謁見和帝永元三年正月甲子加冠服乘金
根車駕六玄蚪至廟成禮乃迴軫反宮朝服以饗宴撞
太簇之庭鍾咸獻壽焉黃香頌云惟永元之盛代仰皇
德之茂純躬烝烝之至孝崇欽順以奉天以三載之益
春建寅月之上旬皇帝時加玄冕簡甲子之元辰皇輿
幸夫金根駕玄蚪之連蜷建螭龍以為旂鳴節路之和

鸞既臻廟以成禮乃迴軫而反宮正朝服以饗宴撞太
簇之庭鍾祚藩屏與鼎輔暨夷蠻之君王咸進爵于金
罍獻萬壽之玉觴是時賜諸侯王公將軍特進中二千
石列侯宗室子孫在京師奉朝請者黃金將大夫郎吏
從官帛賜民爵及粟帛各有差大酺五日郡國中都官
繫囚死罪贖縑至司寇作及亡命各有差安帝永初三
年春正月庚子加元服大赦天下賜王主貴人六卿以
下金帛各有差男子為父後及三老孝悌力田爵人二

級流民欲占者人一級

順帝永建四年正月丙子加元服賜王主貴人公卿以下金帛各有差賜男子爵及流民欲占者人一級為父後三老孝弟力田人二級鰥寡孤獨篤癯不能自存者帛一匹時兼用曹褒新禮乘輿初加緇布進賢次爵弁武弁次通天皆於高廟以禮謁見世祖廟王公已下初加進賢而已按此文始冠緇布從古制也冠於宗廟是也獻帝興平元年正月甲子加元服司徒淳于嘉為賓

加賜玄纁駟馬賜貴人公主卿司隸校尉城門五校侍
中尚書給事黃門侍郎各一人為太子舍人

魏

魏氏天子一加以謂天子諸侯無加數之文將以踐阼
臨下尊極德備豈得與士同也又舊禮皆冠於廟自魏
已來始於正殿行事別卜日謁廟侯太尉莫獻九室已
下帝衮服執鎮圭入再拜乃出會羣臣

政和御製冠禮卷三

欽定四庫全書

政和御製冠禮卷四

冠儀

天子

晉 後魏
北齊 唐

晉

東晉諸帝冠儀一加幘冕將冠金石宿設百官陪位又
豫於殿上鋪大牀御府令奉冕幘簪導袞服以授侍郎
常侍太尉加幘太保將加冕太尉跪讀祝文曰令月吉

日始加元服皇帝穆穆思洪衮職欽若昊天六合是式
率遵祖考永永無極眉壽維祺介茲景福加冕訖侍中
繫玄統侍中脫帝絳紗服加衮服冠事畢太保率群臣
奉觴上壽王公以下三稱萬歲乃退按儀注一加幘冕
而已

成帝咸康元年春正月庚午朔用三元吉日既加元服
拜於太廟大赦改元增文武位一等大酺三日賜鰥寡
孤獨不能自存者人米五斛

穆帝孝武簡文將冠皆先幣以告廟訖事又廟見

後魏

後魏正光元年秋孝明帝年十一于正殿加元服訖拜
太廟大赦改元

北齊

北齊制皇帝加元服以玉帛告圓丘方澤以幣告廟擇
日臨軒中嚴群官位定皇帝著空頂介幘以出太尉盥
訖升脫空頂幘以黑介幘奉加訖太尉進太保之右北

面讀祝訖太尉加冕侍中繫玄統脫絳紗袍加袞服事畢太保上壽群官三稱萬歲皇帝入溫室移御坐而不上壽後日文武群臣朝服上禮酒酒十二鐘米十二囊牛十二頭又擇日親拜圓丘方澤謁廟至設會因奉觴上壽禮各有宜也辭云某官臣某言伏惟皇帝陛下吉辰元服禮制樂和臣等不勝大慶謹上萬歲壽也

唐

開元禮皇帝將加元服卜日如別儀告圓丘方澤前一

日諸告官清齋於告所其守衛及設罇坩等並前一日

陳設如巡狩圓丘攝事儀

告方丘自前一日陳設及告官清齋等亦如之為埋于壇

南外壇之內北出陛未明二刻諸告官各服其服郊社令良醞令

入實罇壘及玉帛

大尊二一實明水為上一實泛齊次之山壘二一實玄酒為上一實清酒

次之玉以四珪有邸幣以蒼告方丘大尊二一實明水為上一實醴齊次之山壘二實同玉兩珪有邸幣以黃

未明一刻奉禮帥贊者先入就位贊引引御史太祝以

下入行掃除如常儀質明謁者引告官以下俱就門外

位奉禮帥贊者先入就位贊引引御史以下入就位謁

者引告官贊引引執事者次入就位立定奉禮曰再拜謁

贊者承傳

凡奉禮有司贊者皆承傳

告官以下皆再拜謁者進告官

之左曰有司謹請行事儀至禮畢燔祝版於齋所並同

巡狩告圓丘攝事儀

告方丘儀同但改昊天為皇帝祇其玉則埋之

告宗廟之禮

與巡狩告宗廟儀有司攝事同惟祝文臨時撰臨軒行

事先一日尚舍奉御設御冠席於太極殿中楹之間南

向莞筵紛純加藻席續純加次席黼純守宮設羣官次

於朝堂太樂令展宮懸於殿庭並如常儀設協律郎舉

麾位於殿上西階之西東向一位於樂懸東南西向鼓吹令分置十二案於建鼓之外乘黃令陳車輅尚輦奉

御陳輿輦並如常儀典儀設文官一品以下五品以上

位於樂懸東六品以下於橫街南皆重行西面北上設

武官一品以下五品以上位於樂懸西六品以下於橫

街南當文官皆重行東面北上設朝集使位分方於文

武官當品之下設諸親位於四品五品之中

皇宗親在東異姓親

在設蕃客位各分方於朝集使六品之南諸州使人分

方位於朝集使九品之後又設太師太尉位於橫街之南道東北面西上又設典儀位於樂懸之東北贊者二人南少退俱西向奉禮設門外位於東西朝堂皆如元日之儀其日諸衛勒所部屯門列黃麾仗如常群官依時刻集朝堂俱就次各服其服通事舍人引就朝堂前位侍中版奏請中嚴太樂令鼓吹令帥工人入就位奉禮郎設罍於阼階東南罍在洗東加勺幕篚在洗西南肆實中加冪尚舍奉御設席於東房內近西又張

帷於東序外殿中監陳衣服於東房內席上東領玄衣

纁裳十二章

八章在衣日月星辰山龍華蟲
火宗彝四章在裳藻粉米黼黻

白紗中單

黼領清縹襪裾革帶玉鈎釧大帶

素帶朱裏純其外上
以朱下以綠紐約用

組朱黻三章

龍山
火

鹿盧玉具劔火珠鏢首白玉雙珮玄

組雙大綬六綵玄黃赤白縹綠純玄質長二丈四尺五

寸首廣一尺

小雙綬長二尺六寸色同大
綬而首半之間施二玉環

朱韞赤舄金

錦縞

與緇
同

纓玉簪及櫛三物同箱在服北向尚舍奉御

設莞筵一粉純加藻席續純加次席黼純又在南尚舍

奉御實醴罇於東序外惟內沾在罇北實角觶柶各一
加冪饌陳於罇西籩豆各十二俎三在籩豆北設壘洗
于罇東壘在洗西加勺冪篚在洗東北肆實巾加冪執
壘罇籩豆及在庭壘篚者並絳公服立於其所袞冕垂
白珠十二旒以組為纓色同其纓黹纁充耳玉導置於
箱太常博士一人立於西階下近西東面諸侍衛之官
各服其器服俱詣閭奉迎典儀帥贊者先入就位通事
舍人各引羣官入就位太常博士引太常卿升西階立

于西房外當戶北向侍中版奏外辦皇帝著空頂黑介

幘雙童髻雙玉導絳紗袍以出侍衛警蹕如常儀皇帝

將出太樂令撞黃鐘之鐘右五鐘皆應協律郎舉麾鼓

吹奏太和之樂皇帝出自西房太常博士引太常卿太

常卿引皇帝即御座南向立樂止

太常卿與博士退立于皇帝之左

通

事舍人引太師太尉就位

凡太師太尉進皆舍人導引

太師初入門

舒和之樂作至位樂止典儀曰再拜贊者承傳群臣在

位者皆再拜太師升自西階太師初行樂作至階樂止

太師升立於西階上東面太尉詣阼階下壘洗盥手升東階詣東房內取纚櫛箱進跪奠於御座西端太師詣御座前跪奏稱請坐退復位皇帝坐太尉進當御座前少左跪脫空頂幘置于櫛箱畢設纚興少西東面立太師降盥初降樂作盥訖詣西階下樂止太師受冕左執頂右執前升自闕

徧獻訖其飲福受

昨如常儀訖謁者引太尉降復位贊引引御史太祝及執樽壘籩罍者俱就執事位重行西面立以俟皇帝既謁

廟出門太祝等升復位訖登歌作雍和之樂諸祝各進
入室徹豆出還樽所登歌止奉禮曰賜胙其贊拜及納
神主燭祝版並如時享攝事儀親謁前出宮三日本司
宣攝內外各供其職前一日守宮設羣官五品以上次
於東西朝堂如常謁日晝漏上水三刻鑿駕出宮發引
前七刻槌一鼓為一嚴三嚴時即一刻侍中奏裁發引前五刻槌
二鼓為再嚴其鑿駕發引之儀與時享出宮儀同唯陳
小駕鹵簿乘金輅為異駕廼通事舍人引文武羣官不

從者退就次以俟駕至大次迴輅東向將軍降立於路
 左侍中進當鑾駕前跪奏稱侍中臣某言請降輅俛伏
 興還侍位皇帝降輅乘輿之大次繖扇華蓋侍衛如常
 儀通事舍人引三師各就便座各服其服出立於大次
 門外太常博士引太常卿立於大次門外當面西向侍
 中版奏外辦皇帝出次華蓋侍衛如常儀侍中負寶博
陪從如式
 士引太常卿太常卿引皇帝凡太常卿前導
皆博士先引至廟門外
 殿中監進鎮珪皇帝執鎮珪華蓋仗衛停於門外三師

近侍者從入如常皇帝初入門太和之樂作至版位北
向立樂止太常卿與博士退立於左太常卿前奏稱請
再拜皇帝再拜少頃太常卿又奏稱請再拜皇帝又再
拜訖太常博士引太常卿太常卿引皇帝出還大次初
行樂作出門樂止殿中監前受鎮珪華蓋侍

闕

西

階進當皇帝前少左樂作太師祝曰令月吉日始加
元服壽考維祺以介景福乃跪冠興復西階上位太尉
進皇帝前少左跪設簪結纓興復位皇帝興太常卿引

適東房殿中監進徹櫛纚箱以退皇帝著袞服太常卿引出即席向南坐樂止太尉詣序外帷內盥手洗解酌醴加柶覆之面葉立於序內南向太師進受醴面柄進御前北面祝曰甘醴唯厚嘉薦令芳承天之休壽考不忘訖跪進解興退降立於西階下東面將祝殿中監帥進饌者奉饌設於御座前皇帝左執解右取脯孺于醢祭於籩豆間太師取肺一以進皇帝皇帝奠解於薦西受肺左手執本右執絕末以祭上右手齊之授太尉

太尉加於俎降立於太師之南皇帝帨手侍中一人進
帨巾取解於柶祭醴啐醴逮柶奠解於薦東皇帝初受
解休和之樂作奠解訖樂止太師太尉俱復橫街南位
太師初行樂作至位樂止典儀唱再拜贊者承傳在位
者皆再拜太師太尉出初行樂作出門樂止侍中前跪
奏禮畢皇帝興太樂令又撞蕤賓之鐘左五鐘皆應太
和之樂作太常卿引皇帝入東房侍衛警蹕如來儀入
訖樂止通事舍人引東面位者以次出其日冠訖著通

天冠服詣太后所御殿如常朝見之式尚宮引就殿前
北面再拜訖尚宮引出還宮如常

將謁太廟有司卜日如別儀前一日皇帝清齋於太極
殿太尉以下清齋於廟所近侍之官應從入廟者於本
司清齋一宿諸衛令其屬晡後一刻各以其方器服守
衛廟門與太樂工人俱清齋一宿前三日尚舍直長施
大次於太廟南門之外道西東向尚舍奉御鋪御座守
宮設文武侍臣次於大次之後文左武右俱東向設太

尉以下次於齋坊內設三師次於侍臣次之西東向前

二日太樂令設宮懸之樂於廟庭如常儀右枝清掃內

外前一日奉禮設御位於樂懸之南道西北向設太尉

以下及御史等位於內外如常儀設酒樽之位於廟堂

上前楹間各於室戶之左北向每室鷄彘一鳥彘一犧

尊二山壘二皆加勺冪皆西上各有坩以置贊爵設壘洗篚

如常篚實珪瓚中爵其執樽壘篚冪及烹牲皿並如巡狩告謁儀

日未明三刻太尉以下各服其服太廟令良醞令各帥

其屬入實樽壘

鷄彛犧尊之上尊皆實以明水山壘之上尊實以玄酒鳥彛實以鬱鬯犧尊實

以醴齊山壘實以清酌

謁者進太尉之左白有司謹具請行事儀

至讀祝文如時享攝事儀

唯無燔臠脍及奠毛血

讀祝文曰維某

年月朔日孝子曾孫皇帝某

太祖以下稱臣某

謹遣太尉臣名

敢昭告於獻祖宣皇帝祖妣某氏欽遵常典禮加元服

以今吉辰祇見謹以一元大武明粢薌合禘冀嘉蔬嘉

薦醴齊尚饗訖興太尉再拜初讀祝文訖樂作太祝進

跪奠版於神座俛伏興還樽所太尉拜訖樂止謁者引

太尉以次獻皆如獻祖之儀

唯不盥洗

關衛如常儀皇帝既

還大次侍中版奏請解嚴轉仗衛至既入閣侍中版奏請解嚴叩鉦將士各還本所如時享還宮儀皇帝見廟之明日會羣臣如元會之儀其上壽詞云具官臣某言伏惟皇帝陛下吉辰元服禮備樂和臣等不勝大慶謹上千萬歲壽羣臣上禮前一日守宮量設次於東朝堂如常儀其日應上禮之官位於東朝堂之前近南文東武西重行北面相對又設中書舍人位於吏部為首之

北南向設奉禮位於文官東北贊者二人在南差退俱
西向通事舍人各引應上禮之官就位立定令史二人
對舉表案禮部郎中引就中書舍人前取表授舍人訖引
案退奉禮唱贊者承傳在位者皆再拜中書舍人奉表
入進通事舍人引在位者退

政和御製冠禮卷四